

內黃縣志卷首

目錄

卷一

地理
沿革
疆域
山川
隄堰
渡口
營屯

卷二

建置
城池
署廨
郵鋪
倉庾
橋梁
井泉

卷三

古蹟
陵墓
城壘
村里
臺宇
寺觀

卷四

風土
風俗
物產

卷五

田賦

里甲 驛站

戶口 雜稅

地畝

賦稅

漕運

鹽課

卷六

學校

學宮 書院

祭儀 學田

書籍

學額

社學

義學

卷七

祠祀

壇壝

祠廟

卷八

事實記

卷九

職官表

知縣 教諭

縣丞 訓導

主簿 武營

典史

卷十

科貢表
進士 舉人 貢生 例貢

卷十一

古今人物表
薦辟 武勳 封贈 恩蔭 祿仕

卷十二

列傳
上 名宦 循良

卷十三

列傳
中 鄉賢 耆舊 忠義孝悌 義行

卷十四

列傳
下 文學 隱逸 方技 流寓 方外

卷十五

列女傳

卷十六

藝文

上

制誥

書奏

記序

卷十七

藝文

下

記序

詩賦

卷十八

志餘

雜識

舊志序跋

內黃縣志卷十七

藝文 中冊 記序

記序

唐

一行大衍歷序

燕國張說

特進集賢院學士修國史上柱國燕國公臣說言歷者先
王以明時授人敬天育物者也辰極恆居斗運不息晦朔
相推而變月寒暑往來而成歲日月右進周天之度啟星
辰左旋正時之氣合積餘分而致閏配甲子而設節鳳鳥
爲司疇人受職分分而加之者百鈞必過毫毫而減之者

千里必差何則古法存而其人異也不見大聖孰能起之
伏惟開元神武皇帝陛下欽崇天道眷嶽月令受命再新
改制創厯十有三祀詔沙門一行上本軒項夏殷周魯五
王一侯之遺式下集太初至於麟德二十三家之眾義比
其異同課其疏密或前疑而後定或始會而終乖振古未
探之象必發揮於神算大鈞不測之氣盡覲縷於天聰廼
更審晷度之短長覈星間之廣狹繩九道之眇眇糾五精
之進退參大衍天地之數綜八卦六爻之序一轍於文王
也覈春秋交蝕之辰研九疇五紀之奧同文於孔子也杼
軸萬象優柔四載奏章朝竟一行夕落臣說奉詔金門成

書冊府先有理歷陳景善算趙昇首尾參元之言相承轉
籌之意因而緝合編次勒成一部名曰開元大衍歷經七
章一卷長執歷一卷古今歷書二十四卷畧例奏章一卷
凡五十二卷所以貫三才周萬物窮術數先鬼神稱制曰
者卽聖人顧訪之旨謹按者是歷家進對之詞非軒后至
聖不敬履端之業非容成諸極不就歸餘之經據其圖也
七政之天心不違守其術也千歲之日月可知蓋中黃之
寶符太紫之神器者也謹以十六年八月端午赤光昭室
之夜皇雄成紀之辰當一元之出符獻萬壽之新歷伏望
藏之書殿錄於紀言掌之太史班於日歷制曰可

內黃學夫子廟堂記

學士程浩

天地吾知其至廣以其無不覆載也日月吾知其至明以其無不照臨也江海吾知其至大以其無不容納也料光以寸管測明以尺圭航大以一葦廣不能逃其數明不能私其質大不能亡其險是何也亦各物其物而已矣偉哉吾夫子之道乎後天地而生知天地之始先天地而沒知天地之終非日非月光之所及者遠不江不海潤之所浸者博故三代禮樂賴之而損益百王憲章由是而消息父子以親君臣以位家國以和鬼神以享道不可詮其有物釋不可證於無生一以貫之其道固如是乎我先師夫子

聖人也古之帝聖者曰堯舜古之君明者曰禹湯堯舜之德有時而窮夫子之德愈久而彌芳禹湯之功有時而盡夫子之道愈久而彌光用之而昌舍之而亡昔否於周今盛於唐不然何爲耀袞而裳垂旒而王者哉

(元)

重修廟學記

提刑按察使 胡祇通

人皆可以爲堯舜聖賢斯言非虛美以誘人逆其所本無而強其所不能也然而民俗日薄親上死長之善百無一二者何也此無他爲人上者不能道以德齊以禮學校不修而師帥無人也天子統三公九卿三公九卿選擇守令

使之承流宣化以任其責故曰守令者民之師帥守令賢則主德宣主德宣則風俗移易民曰興行不大聲色而天下平於唐虞三代之隆不難矣內黃在中原爲名邑重聖人之所居民俗不夷鄙善訓易入故聞義勇爲樂於從教夫有是邑則有此學校然不能不廢於兵荒甯不復起於治平哉皇元有天下武興文治爲守令者亦多以學校爲急務所以不能完於一人之手者在任之日淺恆爲他事所奪者日繁劇未久而去職此學校之必待夫而政後政繼之而成也縣之廟學創始於縣尹宛與縣相續功於劉徽王熙落成於今建魯花赤褒凡玄圃宏開文梅主簿

用縣尉潘達由是殿廡齋堂以次而完美厥功爲何如哉
邑人田甫徐琛衡淵龐裕喜其先後令丞簿尉之賢復見
學校之制度聖師賢哲之衣冠威儀朔望之香火二丁之
禮樂揖讓師友之講習薰陶人倫日明風俗醕熙訟庭閑
寂犬不夜吠覩茲盛事而無片石以志其歲月將何以垂
於永久至元乙丑秋九月晦叩門乞言予義不可以不能
爲辭傳曰人之有技若已有之亦烏可隱其善而已於言
乎況學校之興廢所關係者不爲不重邑官承宣之美績
邑人歆慕之良心皆可書也敢以鄙論記其歲月云

重修廟學記

國子
司業 潘 廸

內黃重修廟學成邑大夫遣教諭武果來致其意且述是
邑設置因革廟學修建本末請記其歲月按內黃魏之名
邑魏以河北爲內以河南爲外以陳留有外黃故邑以是
得名在漢爲繁陽舊俗浮巧被服奢麗有京洛之風今爲
大名滑州之支邑隸燕南分憲革薄還醕民用丕變苟非
沐詩書之澤漸禮義之化其能然哉邑之廟學自創始逮
今垂百年矣雖累經增修然規模狹隘棟宇卑陋矧歲久
日深屢因風雨以致朽腐摧圯無以妥德音庇師生監邑
阿都赤縣尹王思忠主簿張拱辰縣尉李有堦典史李彥
學因朔旦行香觀廟貌學館摧圯已甚慨然興歎曰廟貌

彫弊一至是邪此非吾輩之責而將孰任乎遂與教諭武
果謀捐俸鳩工心同力協一椽一瓦不煩於民厚其傭值
衆樂趨之會果秩滿而教諭王致中實終其事經始於至
元五年秋八月落成於至正二年春三月正殿舊三楹今
擴爲五楹東西賢廡爲楹者十內而神門外而櫺星檐楹
整肅悉合規制德容綵繪重加丹雘金碧燿燦煥然一新
砌以文甍繞以周垣師生講授有堂游息有齋儲積有庫
膳羞有庖至於卑者崇隘者裕完其所缺益其所無不可
殫舉又以其餘貲於廟前增拓其地基八間且言正殿甫
訖工當虹梁之南藻井之側生靈芝一本莖分十二宛轉

相附連葉垂雲修短相間數各六色正黃中各樣紫豔秀
彩光瑩修莖霜質清香馥郁達於遠邇願并書諸石予聞
之歎曰此文明之瑞也夫和氣致祥乖氣致異是邑雖小
然化行治洽俗美訟簡致是瑞也固宜矧是役也監邑董
督之勤賢尹用心之篤與夫衆僚之從吏校官之贊成上
下一和小大無間則其致是瑞也尤宜雖然致瑞非難保
瑞爲難使徒知在物者爲瑞而不知在已者爲瑞則瑞非
其瑞矣夫斯文在天地乃天地之元氣也不以科目行梲
而加損益不以學校興廢而爲存亡蓋炳然在當世者雖
有時而顯晦而昭然之在人心者固未嘗不自若也唐虞

三代之所以盛者實有時乎此焉自漢唐以來其教興則風俗厚人材盛科目行則仕途啟學者勵此業乎時者然也今學校興矣科舉行矣斯文一脈係乎時者亦多亨矣不知是邑之學者將以今之所謂富貴利達者而自期乎抑將以古人明德新民之學而自期乎使是邑學者能以古人之學爲學則其爲瑞也大矣然則是芝也特其端倪耳區區科舉之捷恐未足以當之予嘗典教成均敢以是勉是邑之學者至於堂構傾圯之續修胥繼胥成尙有冀於後之君子云

達魯花赤安住去思碑

助教

楚惟善

內黃介魏滑間居民繁夥素號難治泰定丙寅監縣安住
實來下車卽以教養爲急務其意蓋謂富而後教孔子以
告冉有逸居而無教又孟氏所以語齊梁之君也致治之
方大率不出此二者故爲樂教勸民以耕桑樹畜勞來循
行出入阡陌未嘗憚其勞勩已而民安輯有所蓋藏乃招
縣弟子以爲學宮弟子員爲除徭役又舉行義表孝弟爲
之定嫁娶喪祭儀式使不得過法項之其化大行狡猾者
變而誠強梗者化而順向所謂難治者泯然無迹之可言
時宣聖加號碑更數政未立乃謀於僚屬各捐已俸僦
工伐石躬督厥役不期月告成又邑稅越元城而輸館陶